

Umhverfisstofnun  
Áb.

31. mars 2016

Tilv.



UMHVERFISSTOFNUN

Reykjavík 30. mars 2016

UST201602-292/S.P.

08.12.01

Arctic Sea Farm hf.  
Hafnarbakki 8  
425 Flateyri

### Efni: Umsókn um færslu gilda starfsleyfis yfir á nýjan aðila

Vísað er til umsóknar Arctic Sea Farm hf., kt. 700807-0450 og Arctic Smolt hf., kt. 600212-2570, frá 18. febrúar 2016, þar sem óskað er eftir því að færa starfsleyfi útgefið 4. júní 2010 af heilbrigðisnefnd Vestfjarða til Sjávargæða ehf. kt. 530906-019, sem fært var til Vestfirðings ehf, kt. 600212-2570 þann 16. apríl 2014 (sem nú heitir Arctic Smolt hf.), frá Arctic Smolt hf. til Arctic Sea Farm hf. Um er að ræða starfsleyfi til að starfrækja land- og kvíaeldi að 199 tonna ársframleiðslu með regnbogasilung í Önundarfirði.

Í samræmi við 2. mgr. 27. gr. reglugerðar nr. 785/1999 um starfsleyfi fyrir atvinnurekstur sem getur haft í för með sér mengun, þá hefur Umhverfisstofnun ákveðið að fallast á færslu starfsleyfisins, enda verður ekki önnur breyting á starfsleyfinu. Með þessu færast öll réttindi og allar skyldur varðandi starfsleyfið til Arctic Sea Farm hf., kt. 700807-0450.

Gjald vegna færslu starfsleyfisins verður innheimt hjá nýjum rekstraraðila, Arctic Sea farm hf., skv. 4. gr. gjaldskrár Umhverfisstofnunar nr. 535/2015, samtals kr. 27.800. Ákvörðunin tekur gildi við greiðslu gjalda.

Virðingarfyllst

Kristín Linda Ármadóttir  
Forstjóri

Svava Pétursdóttir  
Sérfræðingur

# STARFSLEYFI

*Til að starfrækja 199 tonna land- og kvíaeldi  
með regnbogasilung*

**Arctic Sea Farm hf.<sup>1</sup>**  
Hafnarbakki 8, 425 Flateyri  
Kt.: 700807-0450

---

Starfsleyfi þetta gildir fyrir Arctic Sea Farm hf., kt. 700807-0450, fyrir 199 tonna land- og kvíaeldi með regnbogasilung. Staðsett 200m radíus frá 66°02.369'N-23°03.342'V í Önundarfirði.

Starfsleyfi þetta er gefið út samkvæmt ákvæðum laga nr. 7/1998 um hollustuhætti og mengunarvarnir með síðari breytingum, laga nr. 93/1995 um matvæli þegar um matvæli er að ræða og efnalög nr. 61/2013 eftir því sem við á. Leyfishafi skal hlíta ákvæðum annarra laga og reglugerða settum samkvæmt þeim.

Leyfishafi skal einnig hlíta ákvæðum annarra laga og reglugerða sem um starfsemina kunnu að gilda.

Leyfið er einnig gefið út með neðangreindum starfsleyfisskilyrðum:

## Starfsleyfisskilyrði fyrir fiskeldi í sjó<sup>2</sup>

### 1. Almenn ákvæði og gildissvið

- 1.1. Starfsleyfið gildir fyrir fiskeldi í sjókvíum.
- 1.2. Ef um annan starfsleyfisskyldan rekstur er að ræða samhliða, gilda einnig viðeigandi starfsleyfisskilyrði.
- 1.3. Rekstraraðili ber ábyrgð á rekstri fyrtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfisskilyrðum. Breytingar á rekstri skal tilkynna til leyfisveitanda.
- 1.4. Rekstraraðili skal starfrækja innra eftirlit með mengandi þáttum starfseminnar og umhverfis- og rekstrarþáttum tengdum þeim. Skrá skal á skilvirkjan hátt og geyma upplýsingar um:

---

<sup>1</sup> Starfsleyfi þetta var upphaflega gefið út af heilbrigðisnefnd Vestfjarða til Sjávargæða ehf., kt. 530906-0190 þann 4. júní 2010 en var fært til Vestfirðings ehf., kt. 600212-2570 (sem nú heitir Arctic Smolt hf.) þann 16. apríl 2014. Í samræmi við breytingar á lögum nr. 71/2008 tók Umhverfisstofnun við útgáfu starfsleyfa fyrir fiskeldi. Nú hefur starfsleyfið verið fært yfir á nýjan rekstraraðila í samræmi við 2. mgr. 27. gr. reglugerðar nr. 785/1999.

<sup>2</sup> Samræmd starfsleyfisskilyrði fyrir fiskeldi í sjó, útgefið af Umhverfisstofnun og heilbrigðiseftirliti sveitarfélaga þann 12. ágúst 2005.

- a) Framleiðslumagn og afföll.
- b) Fóðurnotkun og fóðurgerð.
- c) Losun efna út í umhverfið.
- d) Magn og gerð hreinsiefna, sótthreinsiefna og lyfja sem notuð voru á árinu.
- e) Meðhöndlun úrgangs, þ.m.t. magn og gerð.
- f) Afstöðumynd af stöðinni skal vera til staðar. Skrá skal allar breytingar sem gerðar eru á kvíum og festingum auk aðstöðu í landi.
- g) Gera skal viðbragðsáætlun vegna mengunaróhappa og neyðaráætlun ef til rekstrarstöðvunar kemur.
- h) Skrá skal öll mengunaróhöpp og atvik er varða mengun og mengunarvarnir fyrirtækisins, s.s. bilanir á búnaði, leka eða slys.

Innra eftirlit og skráningar skulu vera aðgengilegar heilbrigðisfulltrúum.

## 2. Mengunarvarnir og umhverfismál

- 2.1. Beita skal bestu fáanlegu tækni til að fyrirbyggja mengun umhverfisins.
- 2.2. Rekstraraðili skal tryggja umhverfisvernd, t.d. með því að fylgjast með ástandi eldisbúnaðar og tryggja að fiskur sleppi ekki út. Reglulega skal yfirfara nætur og botnfestingar.
- 2.3. Fyrirtækinu er skyldt að sjá um, að á öllu athafnasvæði þess sé gætt fyllsta hreinlætis. Allar vélar og tæki, hráefni og annað það er starfseminni tilheyrir skal þannig frá gengið að ekki valdi óprifum eða óþægindum fyrir aðra.
- 2.4. Beita skal bestu fáanlegri tækni við meðhöndlun úrgangs og stefna að lágmörkun úrgangs hjá fyrirtækinu. Fyrirtækið skal flokka og endurnýta úrgangs eins og kostur er. Úrgangur sem ekki nýtist skal annaðhvort fluttur til endurnýtingar annarsstaðar eða til förgunar. Sorphirslur og ílát undir úrgang sem staðsett eru utanhúss, skulu vera lokað og standast kröfur heilbrigðisfulltrúa. Spilliefnum og lyfjaleifum skal komið til viðkenndrar spilliefnamóttöku. Öll brennsla úrgangs er óheimil.
- 2.5. Rekstraraðila er skyldt að fyrirbyggja aðgang fugls, meindýra og annarra villtra dýra að eldinu, fóðurgeymslum og úrgangi á vegum fyrirtækisins, eftir því sem frekast er unnt.
- 2.6. Skólp frá salernum og hreinlætisaðstöðu í landi skal leitt í fráveitu sveitarfélags eða í roþró með siturlögn.
- 2.7. Ef vart verður að mengun sé yfir umhverfismörkum eða ef önnur óæskileg mengunaráhrif vegna starfseminnar koma í ljós skal rekstraraðili, í samráði við heilbrigðiseftirlit, gera ráðstafanir til úrbóta.
- 2.8. Verði rekstri hætt skal rekstraraðili, í samráði við heilbrigðisfulltrúa, ganga þannig frá athafnasvæði og búnaði að hvorki mengunar- né slysa hætta skapist.

Fyrirhugaðar breytingar á húsnæði, framleiðslu eða rekstri skulu gerðar í samráði við Umhverfisstofnun. Við flutning eða eigendaskipti fellur starfsleyfið úr gildi nema nýr rekstraraðili sækir um að leyfið færist yfir á hans nafn.

Framsal þessa leyfis er óheimilt. Skylt er að framvísa starfsleyfisskilyrðum þegar opinber eftirlitsaðili óskar þess. Starfsleyfi þetta skal hanga upp á áberandi stað.


Starfsleyfið er gefið út til 12 ára en heimilt er að endurskoða það ef breytingar verða á starfsemi, rekstri eða staðsetningu að mati útgefanda. Endurskoða skal jafnan starfsleyfi á fjögurra ára fresti. Starfsleyfishafi skal greiða starfsleyfis- og eftirlitsgjöld samkvæmt gildandi gjaldskrá.

### Gildistaka


Leyfi þetta, sem gefið er út í samræmi við lög nr. 7/1998 um hollustuhætti og mengunarvarnir með síðari breytingum og reglugerð nr. 785/1999, lög nr. 93/1995 um matvæli þegar um matvæli er að ræða og efnalög nr. 61/2013 eftir því sem við á. Starfsleyfið öðlast þegar gildi og gildir til 4. júní 2022.

Reykjavík, 30. mars 2016<sup>3</sup>

Umhverfisstofnun



Kristín Linda Arnadóttir  
Forstjóri



Svava Pétursdóttir  
Svava Pétursdóttir  
Sérfræðingur

<sup>3</sup> Starfsleyfi þetta var upphaflega gefið út af heilbrigðisnefnd Vestfjarða til Sjávargæða ehf., kt. 530906-0190 þann 4. júní 2010 en var fært til Vestfirðings ehf., kt. 600212-2570 (sem nú heitir Arctic Smolt) þann 16. apríl 2014. Í samræmi við breytingar á lögum nr. 71/2008 tók Umhverfisstofnun við útgáfu starfsleyfa fyrir fiskeldi. Nú hefur starfsleyfið verið fært yfir á nýjan rekstraraðila í samræmi við 2. mgr. 27. gr. reglugerðar nr. 785/1999.